



## Sámitigge já Giellagas –instituut piejih joton sámmiáttás pargoviehân čuosáttum kielálávgummáttás škovlimproojeekt

**Sámitigge já Oulu ollâopáttuv Giellagas –instituut piejih joton skammamáánu pelimuddoost sámmiáttás pargoviehân čuosáttum škovlimproojeekt 'Säämi kielálávgum škoolâst – maht tuárjum jieččân kielâ já kulttuur máttáttásâst'. Oovtâstpargokyeimmin máttáttásâst láá meid Vaasa ollâopáttuv Kielálávgum já maanġákielálášvuodâ kuávdáš (Kielikylyn ja moni-kielisyyden keskus) já Säämi ollâškovlá (Sámi allaskuvla).**

Máttáttâshaldáttás lii miedettâm sámitiigán staatâtorjuu máttáttástooimâ pargoviehâškovlim várás ivvijd 2014–2015. Sámitige škovlim- já oppâmateriaaltoimáttáh koordinist škovlim já tuáimá or-nijdummeen, mii haaldáš staatâtorjuu. Oulu ollâopáttuv Giellagas-instituut västid máttáttásâst. Oovtâstpargokyeimmin máttáttásâst tuáimih meid Vaasa ollâopáttuv Kielálávgum já maanġákielálášvuodâ kuávdáš sehe Taažâ Kuovdâkiäinust tuáimee Säämi ollâškoovlá äššitobdeeh.

Škovlim ovdâsajasâš čuosáttâhjuávkun láá vuáđumáttáttás sámielâ já sámielâlij luokai máttáattejjeeh, mutâ fáárun peessih meid sámi arâšoddâdem syergist tuáimeeh, luváttuv sámielâ máttáattejjeeh já sámielâlii áámmátlâi škovlim máttáattejjeeh.

Máttáttástooimâ pargoviehâškovlim uárnejuvvoo neelji kyevtpiäivásâš aldamáttáttâspaje ääigi Anarist Säämi kulttuurkuávdáš Sajosist nuuvt, ete vuossámuš čokkânem lii 14.–15.11.2014, nubbe já kuálmád čokkânem kiđđuv 2015 já majemuš aldamáttáttâsteivâdem lii čohčuv 2015. Škovlim-peeivih šaddeh teorialuvâldâlmijn já stivrejum pargopáájâporgâmpeeivijn. Ulmen lii sehe sámmiáttáttásâst tuáimee máttáattejei viärmádáttâm ete teoretlii tiäđu, máttáattejei jieijâs hárjánem já joskis tiäđu ovtâstitem. Pargopáájâporgâmpeeivij ääigi pyevtitteh kirjâlii materiaal, mon vuáđuld almostiteh proojeekt loppâpuátusin sámmiáttáttás idea- já raavâkirje. Raavâkirje almostiteh sámi- já suomâkielâid.

Sámmiáttáttás pargoviehâškovlim ulmen lii aldaniđ sámmiáttáttás kielâiäláskitem uáinust já ton vuolgâsaajeest, ete sámielâh tarbâšeh uđđâ sárnoid. Škovlim ulmen lii finniđ vástádâsâid el. koččámušân: Maht sirdep/máttáattep kielâ nuuvt pehtilávt ko máhđuláš kielâlávt epiohtâlâs uáppejuávkun? Ulmen lii ovdediđ sámmiáttáttás pargovievâ pedagooglijd já amnáshaaldâšlijd tááiduid sehe ovdediđ uđđâ pedagooglijd vuáháduvâid, moh vâldih sámielâ já kulttuur vuotân já moiguin pyeredeh oppâm kvaliteet já oppâmpuátusijd sehe ovdedeh sámielâ já kulttuur iäláskitem.

Škovliimân uásálisteeh finnejeh vuáđulijd tiäđuid kielâlvávgummáttáttâs teoriast, keevâtlíi olášut-  
mist, ferimijn já oppâmpuátusijn já tast, maht taam tiäđu puáhtá heiviittid sámmáttáttâsân. Ulmen  
lii, ete sámmáttáttâs pargeeh peessih škovlim ääigi tuodâlávt viärmádâttâd, oppâd uđđâ sehe jy-  
ehid sii máttim. Sámmáttáttâsâst tarbâšeh jieijâs koskâšâš äššitobdeeviärmáduv, mast lii máhđulâš  
nanodid kulttuurlijd pargovuovijd sehe jieijâs áámmátidentiteet.

Kuhes kooskái tiet sámmáttáttâs pargei teivádmijd lii lamaš vaigád ornid kieldáraajij rasta. Tain  
máttáttástooimâ pargoviehâškovlimprojektáin lii máhđulâš sajanmäksid meriruudâ raamij siste  
meid uásálistei mätkikoloid.

Sámmáttáttâs pargoviehâškovlim oppâpajeh já tai siskáldâsah sehe almottáttámravvuuh almostit-  
toje čohčâmáánust 2014. Škovliimân uásálisteeh finnejeh čodâldâsâinis 6 oppâčuággá.

**Lasetiäđuh:**

GIELLAGAS -INSTITUUT

Filosofia tuáhtár Marja-Liisa Olthuis  
[marja-liisa.olthuis@oulu.fi](mailto:marja-liisa.olthuis@oulu.fi)

Hovdâ Anni-Siiri Länsman  
[anni-siiri.lansman@oulu.fi](mailto:anni-siiri.lansman@oulu.fi)

SÄMITIGGE

Ulla Aikio-Puoskari, škovlimčállee  
[ulla.aikio-puoskari@samediggi.fi](mailto:ulla.aikio-puoskari@samediggi.fi)  
puh. +358 (0)10 839 3112

Irmeli Moilanen, škovlimvuávájejee  
[irmeli.moilanen@samediggi.fi](mailto:irmeli.moilanen@samediggi.fi)  
puh. + 358 (0) 10 839 3163 (27.6.2014 räi)